



Na osnovu Zaključka Vlade Kantona Sarajevo, broj: 02-05-35226-22/17 od 11.12.2017. godine, Zaključka Vlade Kantona Sarajevo, broj: 02-05-34488-21/18 od 11.10.2018. godine, kao i Sporazuma o saradnji na implementaciji projekta „Podrška MSP sa područja Kantona Sarajevo u svrhu jačanja ljudskih kapaciteta za uspješno pisanje, apliciranje i upravljanje EU projektima“ zaključenim između Ministarstva privrede Kantona Sarajevo i Sarajevske regionalne razvojne agencije SERDA od 30.10.2018. godine, Sarajevska regionalna razvojna agencija SERDA objavljuje

JAVNI POZIV

malim i srednjim preduzećima sa područja Kantona Sarajevo za prijavu na program edukacije o alatima i potrebnim vještinama za uspješno pisanje, apliciranje i upravljanje EU projektima

Program je namijenjen za 70 malih i srednjih preduzeća sa područja Kantona Sarajevo koja planiraju dodatno obučiti svoje uposlenike radi sticanja novih vještina i znanja u svrhu održavanja postojeće, kao i povećanja zaposlenosti, čiji bi po jedan predstavnik prošao Program 1 i Program 2 edukacije o alatima i potrebnim vještinama za uspješno pisanje, apliciranje i upravljanje EU projektima.

Programom se nastoje ojačati ljudski kapaciteti i kompetencije za uspješno pisanje, apliciranje i upravljanje EU projektima s obzirom na to da je Bosni i Hercegovini omogućeno i korištenje sredstava iz COSME - Programa za konkurentnost preduzeća kojim se želi pridonijeti stvaranju novih radnih mjesta u poslovnom sektoru, povećati broj poduzetnika i samozaposlenih poduzetnika te pridonijeti održivoj konkurentnosti evropskih preduzeća. Ukupni budžet programa COSME je 2,5 milijardi eura.

Prenos teoretskog i praktičnog znanja će se realizirati putem dva programa sa ukupno osam tematskih cjelina (modula).

Tematske cjeline obrađuju:

PROGRAM 1

1. Razumijevanje Evropske unije
2. Programi finansijske podrške i fondovi EU
3. Izrada projektnih prijedloga prema PCM-u
4. Popuna aplikacija na EU fondove

PROGRAM 2

1. Planiranje i koordinacija provedbe projekata
2. Ugovorne obaveze korisnika sredstava
3. Provedba procesa javnih nabavki
4. Upravljanje finansijskim izvještajima

U realizaciji edukacije najviše časova će biti posvećeno izradi projektnih prijedloga prema PCM-u (Upravljanje projektnim ciklusom – Project Cycle Management).

Predviđeno trajanje edukacije je 10 radnih dana (5 dana po programu).

Na program edukacije mogu se prijaviti mala i srednja preduzeća sa područja Kantona Sarajevo, s tim da će prednost prilikom odabira imati uspješna, brzorastuća i izvozno orijentirana preduzeća.

Potrebna dokumentacija za prijavu:

- Popunjen prijavni obrazac;
- Rješenje o registraciji (ovjerena fotokopija rješenja iz sudskog registra ili aktuelni izvod iz sudskog registra ne stariji od 3 mjeseca) ili ekvivalent ili potvrda nadležnog organa iz koje se vidi da je aplikant registrovan za obavljanje djelatnosti;
- Uvjerenje da je podnosilac prijave izmirio obaveze po osnovu poreza i doprinosa (ne starije od 3 mjeseca).

Nakon uspješno savladanog programa, polaznici će dobiti potvrdu/uvjerenje o sudjelovanju na edukaciji i postati članovi Kluba Projektne akademije koji će se periodično sastajati u svrhu razmjene najnovijih informacija i iskustava o EU fondovima.

Obrazac za prijavu može se preuzeti na web adresi: www.serda.ba ili lično u prostorijama Sarajevske regionalne razvojne agencije SERDA, Kolodvorska 6, Sarajevo.

Prijave se mogu dostaviti putem e-maila: akademija@serda.ba, faxa: (033) 663 - 923 ili lično na protokol na adresi Sarajevska regionalna razvojna agencija – SERDA, ulica Kodvorska 6, Sarajevo.

Edukacija je besplatna za sve firme koje budu odabrane po Javnom pozivu.

Javni poziv ostaje otvoren do **17.07.2019. godine** sa mogućnošću produženja.

Sve dodatne informacije mogu se dobiti putem telefona: (033) 652 935 i (033) 648 686.